

Inunnut paasissutissanik suliarinnittarneq pillugu inatsit naapertorlugu paasitinneqarsinnaatitaanermut pisinnaatitaaffiit ilisimajuk

Paasitinneqarsinnaatitaaneq

Paasissutissanik ilinnut tunngasunik, oqartussa qarfiup imaluunniit suliffe qarfiup atugaani qarasaasiatigut systeminiittunik imaluunniit nalunaarsuiffinniittunik, takunnikkumallutit qinnuiginnissinnaavutit. Aamma takussutissiamik imaluunniit assilineranik piumasaqarsinnaavutit.

Paasissutissat ilinnut tunngasut kisiisa takunissaannut inunnut paasissutissanik suliarinnittarneq pillugu inatsit naapertorlugu pisinnaatitaavutit.

Oqartussa qarfik imaluunniit suliffe qarfik attave qarfigiuk

Paasitinneqarusukkuut oqartussa qarfik imaluunniit suliffe qarfik illit pillutit paasissutissanik pigisalik attave qarfigissavat.

Assersuutigalugu sianerlutit, allakkatigut imaluunniit e-maili aqutugalugu paasitinneqarnissannik kissaateqarsinnaavutit.

Piffissaliineq

Paasitinneqarnissannik kissaateqaruit oqartussa qarfik imaluunniit suliffe qarfik akissuteqassaaq.

Periarfissaq siulleq atorlugu akineqassaatit, kisianni akinissamut aalajangersimasumik piffissaliisoqanngilaq. Sapaatit akunneri sisamat sinnerlugit sivisussuseqarpat qaqugu akineqarnissat pillugu nassuiaanneqarlutillu nalunaarfigineqassaatit.

Suut paasisa qarfigissavigit?

Oqartussa qarfiup imaluunniit suliffe qarfiup illit pillutit paasissutissat pigisami imarisai tunniutissavai. Illit pillutit paasissutissaqanngippat tamanna pillugu aamma ilisimatinneqarnissannut pisinnaatitaaffeqarputit.

Paasissutissanik paasitinneqarsinnaatitaaffinnut ilaapput illit pillutit paasissutissat, paasitinneqarnissamik kissaateqarnerpit nalaani nalunaarsorneqarsimasut, aamma paasissutissat akissuteqarfigineqarnissavit tungaanut ilanngunneqartut.

Paasitinneqarnissannik kissaateqareeruit suli paasitinneqartinnak paasissutissat ilinnut tunngasut peerneqassanngillat.

Allakkatigut akissuteqarfigineqarnissannik kissaateqarsimaguit paasissutissat takussutissiannorglugit pissarsiarinissaannut tunngaviumik pisinnaatitaaffeqarputit.

Paasitinneqarnissat ilaatigunnaq pisinnaatitaaffigivat

Pisuni immikkut ittuni paasitinneqarsinnaatitaanngilatit. Taakku assersuutigalugu tassaasinnaapput niuernikkut isertuussat, isumaqatigiissutinut tunngasut assigisaasaluunniit paasitinneqarnermi ersersinneqartussanngortussat.

Allanik pissuteqartumik paasitinneqarnissannut aamma naaggaarneqarsinnaavutit – assersuutigalugu naalagaaffiup isumannaatsuutinneqarnissaata, politiit pinerluttoqarsimaneranik paasiniaanerat assingusullu eqqarsaatigineqarnissaat.

Aamma illit pillutit paasissutissanik, kisitsitigut nalunaarsuinissamut aamma ilisimatusarnermut taamaallaat atorineqartussanik, paasitinneqarsinnaatitaanngilatit.

Inunnik paasissutissanik suliarinnittarneq pillugu inatsit naapertorlugu aamma suut allat pisinnaatitaaffigivigit?

- ✓ Oqartussaqaarfinit aamma suliffeqaarfinit ilisimatinneqarnissaq, illit pillutit paasissutissanik elektroniskimik katersuillutillu toqqortaateqarpata.
- ✓ Illit pillutit paasissutissat atorineqarnerannut akerliuneq – akerliunerit pissutissaqarpat paasissutissat naliginnaasumik peerneqassapput.
- ✓ Illit pillutit paasissutissat, aamma pisisartuuninnut tunngasut pilerisaarineq siunertaralugu allanut tunniunneqarnissaannut akerliliinissaq.
- ✓ Paasissutissat eqqunngitsut iluarsineqarnissaannik, peerneqarnissaannik imaluunniit naqqinneqarnissaannik kissaateqarneq, aamma allat paasissutissanik tigusaqarsimasut susoqarsimaneranik nalunaarfigineqassasut.
- ✓ Illit pillutit paasissutissanik suliarinninnissamik akuersininnik utertitsineq.
- ✓ Datatilsynimut maalaaruteqarnissaq – kisianni oqartussaqaarfik imaluunniit suliffeqaarfik naammagittaalliutigisat naammagittaalliutivit akineqarnissaat pillugu saaffigeqqaaruk.

Datatilsynet

Borgergade 28, 5.
DK 1300 København K
Oqarasuaat 3319 3200
Fax 3319 3218
E-mail dt@datatilsynet.dk
www.datatilsynet.dk

Datatilsyni tassaavoq qitiusumik oqartussaqaarfik allanut attuumassuteqanngitsoq, makkuningga suliaqartoq

- inummut paasissutissanik nalunaarsuineri, ingerlatitseqqinneri aamma allatigut suliaqarneri siunnersuineq, aamma
- oqartussaqaarfiit, suliffeqaarfiit aamma allat paasissutissanut akisussaasuusut inunnik paasissutissanik suliarinnittarneq pillugu inatsimmik eqqortitsitsinissaannik nakkutilliisoq.

Atuagaaqqami uani inunnik paasissutissanik suliarinnittarneq pillugu inatsit naapertorlugu illit pisinnaatitaaffitit pingaarnersiorlugit nassuiarneqarput. Paasissutissat arlaqarnerusut Datatilsynip nittartagaani nassaarisinnaavatit.